

## **Claudii Fleurii Abbatis Historia Ecclesiastica**

Ab anno Christi 1549. usque ad annum 1551 - ... Atque Tabulis  
Chronologicis Ab Anno Christi 1000 Usque Ad 1595 ...

**Fleury, Claude**

**August. Vind. [u.a.], 1770**

**VD18 90118537**

§. 49. Gaudiæ dux Romæ Societatis institutum professus.

---

[urn:nbn:de:hbz:466:1-66584](#)

Sæcul. XVI. *Domino rem diligenter expendi, & alium  
A.C. 1550. deligi, qui melius vel certe non ita male re-  
gendaæ Societatis munere fungatur, & hoc  
ad eum munus deferri: nec modo si melius  
aut minus male, sed etiam si pari modo ge-  
sturus sit. Quam ob rem in nomine Patris,  
& Filii, & Spiritus sancti unius Dei, &  
Creatoris mei ego simpliciter & absolute,  
quidquid muneris gero, depono, & abdico,  
quæisque, ac toto animo precor in Domino  
tum Professor, tum quos illis ad hanc deli-  
berationem assumere visum erit, ut hanc ob-  
lationem meam, adeo coram divina Maje-  
state justam accipiant: sique inter eos, qui  
futuri sunt arbitri, forte non conveniret,  
per charitatem ac reverentiam, Dei nostri  
oro, ut impense rem ejus divinæ Majestati  
commendent.*

Verum hæc epistola omni penitus  
successu caruit; unde sanctus vir tantam  
inde conceperat mœstitudinem, ut pericu-  
loso obrueretur morbo.

#### §. XLIX.

#### *Gandice Dux Romæ Societatis Insti- tutum professus.*

*Orlan. n. 37. Paulo ante Franciscus de Borgia ad-  
38. & seq. huclum Gandiæ Dux, quamvis  
Societatem effet ingressus, Romam per-  
venit, postquam suas filias nuptui de-  
disset, ac filio suo natu majori totius  
ditio-*

ditionis suæ regimen cessisset: Ineunte **Sæcul. XVI.**  
ergo autumno hoc anno Christi millesimo **A.C. 1550.**  
quingentesimo quinquagesimo comitan-  
te eum Joanne filio suo ex Hispania  
profectus sese Patribus adjunxerat. fir-  
miter in animum inducens, se nunquam  
amplius in Hispaniam reversurum, quam-  
vis anno sequenti eo redire cogeretur:  
nullatenus tamen Gandiam sua honora-  
bat præsentia, sed Biscaiæ in Ognaten-  
si Collegio diversabatur, ubi sese peni-  
tus Deo dedicans cunctis humanæ pom-  
pæ reliquiis nuntium mittebat. Porro  
cum Romam ingressurus esset, obviam  
ei processerant extra urbis portas Car-  
dinalium nonnulli eum ad suas ædes  
invitaturi; verum ille summa humilita-  
te oblatos hosce favores recusans Pro-  
fessorum domum apud Jesuitas, quos  
tanquam fratres suos habebat, felige-  
re maluit. Adventantem Ignatius ante  
portam præstolabatur, eum velut filium,  
ac amicum potius, quam potentem  
Principem excepturus. Verum Dux eo  
conspecto protinus suum comitatum di-  
misit, ac cum ingenti animi ardore ad  
Ignatii pedes provolutus est, a quo ta-  
men mox erectus mutuo amplexu salu-  
tatus fuit. Parabatur eidem cubile sat  
commodum a ceteris Patrum habitatio-  
nibus segregatum, ut esset aditus ad  
salutandum Ducem sine domesticæ qui-  
tis,

Sæc. XVI. tis, ac disciplinæ perturbatione perop-  
A.C 1550. portunus. Ceterum Dux tempore, quo  
Romæ morabatur, sex aureorum num-  
mum millia pro fundando Collegio,  
quod hodie Collegium Romanum ap-  
pellatur, numeravit, illud vero Grego-  
rius XIII. postea certis proventibus ple-  
ne instruxit.

## §. L.

*Pontificis studium in reprimenda hæ-  
resi in Italiam irrepente.*

*Raynald. hoc ann. n. 37.* Ceterum Julius III. Papa servens suum

fidei studium non tantum ad id, ut fideles protegeret, iisque ad veræ Religionis præcepta accurate exercenda de omnibus necessariis auxiliis provideret, restrinxit, sed etiam suarum partium esse arbitrabatur, ut ab eis id omne removeret, quod eorum fidem vel corrumpere, vel labefactare posset: quapropter errorem devincere, ac hæresin reprimere totis viribus adlaborabat; cum enim perversam doctrinam clandestinis artibus in Italiam irrepere perciperet, adeo, ut hisce novitatibus etiam quidam Theologiae Professores ex Ordine Mendicantium, necnon plures Parochi, eorumque Vicarii favere viderentur, atque hujus mali contagio Mutinæ latius, quam alibi sese diffunderet, hinc

Papa